



891.99
fp-91

-6 ԽԱՎ 2011

891.99

Բ-91

ԳՐԱԴՐԱՆ

ԱՐ.

100/
4632
891.99 | Ժողովար
Բ-91 | Պար համար
Տեղանուն
Հայաստան
ՀՀ 15/10/11 թ/թ/

100/
4632



ԳՐԱԴՐԱՆ



ԵՐԵՒԱՆ Տպարան „ԿՈՒՆՑՈՒՐԱ“ ԲԵՐՈՒՊԵԱՆ ՓՈՂ. № 7.
1914 թ.

130 JUL 2013
1915 1917 8.

60898

ԶԱՐ ԿԱՆԱՆՑ ԾԱԳՈՒՄԸ

(Հըէական հին աւանդութիւն)։

Անհուն ժամանակներ մեղանից առաջ Սադայէլը գեռ
երկնքումն էր։

Նա հայր Եհովվայի մերձաւոր իշխանն էր, Նրա խորհրդա-
կիցը և սիրելին։

Սադայէլը հզօր էր, որովհետեւ Արարչի դրած օրէնքների
կատարման հաւատարիմ հսկողն էր։

Սրա ձեռքին էր գանւում այն դիւթական մտրակը, որ հիւա-
նիւած էր յաւերժահարսերի *) թել-թել վարսերից, և որով նա
թէ բարիք էր սփոռում Աստուծոյ սիրելիների վրայ և թէ պա-
տիժներ թափում Ամենազօրի կամքին դէմ զնացող ատելիների
գլխին։

Եւ խաղաղ երջանկութեան ալիքներով ծփում էր տիեզերքը-
և անարատ սիրոյ բոյր ծաղիկներով փթթում էր աշխարհը։

Երկրի բնակիչներն էլ ապրում էին համերաշխ հոգով և
զուարթ սրտով։

Մարդիկ, կանայք, զայլ ու գառներ, շուն, նապտսստակ,
կատու և մուկ, պղուէս ու հաւ, միջատ, թոչուն, ձուկ, օչ, սո-
ղուն, զոյգ-հաւասար՝ միշտ իրար հետ, միշտ երգ ու տաղ, խաղ
ու ծիծաղ, անվիշտ, ուրամխ, անհոգ, անցմա...»

Զեար ձմեռ, այլ միշտ գարուն, զնվ եղանակ, սէղ ու ծա-
ղիկ՝ բիւր-երփներանգ, պտուղն առատ հազար տեսակ..»

Արև, լուսին՝ անհուն վերից, հովիկ, զեփիւռ՝ ջինջ եթերից.
աղբիւր, առուակ՝ դաշտ ու ձորից. և՝ ժպտում էին, և՝ խնդում
փառ-փառ. մերթ օրօր սուլում, մերթ պար բոլորում, սահում
հեղաբար...»

*) Յաւերժահարսերի զաղափարն այս աւանդութեան մէջ հաւանօրէն
չիւնաներից է մտել։

Հրճում էր ծերունի Եհովվան՝ Նայելով իր ձեռակերտի մանկական անքիծ կենցաղին և տուատութեան եղջիւթից թափում էր վերեկից շնորք, առողջութիւն, հանճար, առաքինութիւն և զգացմունքի վսեմ թրթիւններ...

Եւ շատ շատ անգամ հրհդէն զնդերը պար բոլորած՝ վերից նայում էին, երկիրդուախտի գեղ տեսքով հիանում, ցնծում, և մարդոց բախտին տենչում, նախանձում:

Մի օր—այդ օրը շարաթ էր—Հայր Եհովվան հանգստանում էր իր լուսեղէն հօթնարփեան խորանում: Երկնային զօրութիւնները պարապ էին: Պարապ էր և Սաղայէլը:

Նա՝ այգածին Արուսեակին յինուած՝ նայում էր հեռուն, գէպի. մոլորակները, աստղերը:

Յանկարծ նրա հայեացքն ընկաւ երկրի վրայ:

Նայեց նա երկար, նայեց ակնապէշ...

Յանկարծ մոայլուեց և անհուն վշտով հառաչ արձակեց...

Մի վայրկենական փոթորկ պայթեց, զարկեց աշխարհին. որոտ-դղրդով արձագանք տուին սարեր ու ձորեր: Մարդիկ կարծեցին՝ արդէն հասել են վախճանի օրեր...

Սաղայէլը կանգնեց. աչեց տիեզերք, դիտեց երկիրը և ինքն իրեն մտորեց.—Այս անծիր տիեզերքի հրամանատարն ես ես, ահաւոր, հզոր, և ողիներից ոչ ոք չէ հասել փառքիս մինչ այսօր...

Իսկ այս չքոտի մարդը... ինչ է որ...

Սոսկ մի «իր» փնթոր, չնչին խաղալիք, խղճուկ բանաւոր...

Եւ ինչ կարիք կար ստեղծել նրան, խնամել, հոգալ, հսկել շարունակ, որ ամենայն ինչ յարմարուէ նրան, ծառայի նրան...

Եւ ցեխն Անմահի սիրոյ նպատակ... և նիւթը լինի նիւթին հպատակ...

Ո՞չ, սխալ է... պիտի խառնել, փոխել, այլ կերպ ստեղծել... և ես կստեղծեմ... և ես ինքնիշխան, ազատ կլինեմ... և ով կարող է կամքիս դէմ կհնալ...

—Այս, այդպէս պիտի լինի... գոչեց Սաղայէլը, յօնքերը կնձուց և վճական թափով մարակն ուժգին շարժեց...

Եւ չար մտքից ծագած այդ ցնցումից թափուեցին աշխարհի վրայ սոսկալի՛ չարիքներ:

Ծովերն ալեկոծուեցան, փրփրագէղ ալիքներ ամպերի դէմ խոյացան, հեղեղ ու փոթորիկ աշխարհներ աւերեցին:

Անուղար պատեց ամբողջ աշխարհը: Արարածները ձայն ձայնի տուին, ձիչ արձակեցին, մարդուն դիմեցին, միջնորդ ընտրեցին, Ողորմած Հօրը գանգաւ արեցին...



Զարթեց Մեծ Հայը, գիտեց շուրջ բոլոր, կանչեց իշխանին, հարցը պատճառը...

Լուռ էր Սաղայէլ, մոայլ ու խոժնո, Ողջ մարմնով գողում, սարսում էր Զարը...

Նորից հարց տուեց Հայը Դիմառատ.

«Այդ ինչ մեծ յանցանք գործեց երկիրը, «Որ մի օրուայ մէջ գարձրիր անապատ. «Յոյց տուր ինձ նորա յանցանքի գերը...»

Խօսեց Սաղայէլ խուլ ձայնով խոպոտ, Տալով պատախան Արտիկ Պետին.

«Յանցանքը Քոննէ, Աստուած նախանձու, *) «Որ անծայրածիր երկինք ու գետին

«Խել ես մենակ, տիրում ինքնիշխան,

«Իսկ մեզ, ամենիս դարձրել ես դերի. «Դերի կամազուրկ, հլու անվախճան,

«Լոկ թշուառ գործէք Քո համոյքների...»

*) Աստուածաշնչի մէջ Եհովվան անում է չեղ եմ Աստուած նախանձու»

«Ե՛, ասեց մեղմով Անմենաբարին,
 «Չէ, ինձ սրտակից ընտրել եմ ես քեզ,
 «Դու ես տնօրէն արար աշխարհին,
 «Ես օրէնք տուող, դու կատարողն ես...
 «Ամեն գործերիս մասնակից ես դու,
 «Տիեզերքն ամբողջ քեզ է ճանաչում
 «Իբրև մեծ Ոզի, ահաւոր, ազգու,
 «Քեզ Ենովվայի իշխան են կանչում,
 «Միթէ այդքանը քեզ չէ բաւական,
 «Որ ունայն տենչով յուղում ես հողիդ...
 «Բայց... քեզ ներում եմ, Սադայէլ իշխան,
 «Սիրտ սնւրբ պահիր, սահման դիր խօսքիդ...»

— Ես չեմ կամենում էլ իշխան անուն,
 Թէկուղ Արարչի փառքին զուգակից...
 Հողիս փառում է վեհ տենչով անհուն...
 Ես վեր եմ ձգտում, վեր այս երկնքից...

Մի ակնթարթում դղրդաց երկին,
 Իրար խառնուեցան ահաւոր տարրեր,
 Որու, կայծակներ, ճայթմունք ահազին,
 Կարկուտ ու հեղեղ, շարժ, մահ ու աւեր...

Երկնային գնդեր իսկոյն խմբուեցան,
 Վեցթեսան սրովքէք, հրեղէն քերովքէք
 Սադայէլի շուրջ կեցան «Ճիածան»,
 Որ նո տիեզերք դուրս չգայ երբէք...

Սարսեց Սադայէլ, երբ տեսաւ իրեն
 Անձուկ օղակով անանց բոլորած.
 Շանթեր արձակեց հրացայտ տչերէն,
 Շարժեց մարակը և ահեղ գոռաց:

Երկինքը մթնեց, ասողեր թագ կացան,
 Արե ու լուսին չքացան անհետ,
 Սադայէլի շուրջ հանգաւ ծիածան...
 Նա՝ դարձեալ մենակ՝ հզօր Պետի հետ...

Ենովվան կանչեց մեծ Ազգարէլին,
 Որ տէրն էր բաղդի և սև օրհասի,
 Պատուիրեց՝ բռնել վար Սադայէլին,
 Ենթարկել նրան ժանտ պատուհասի.
 Կաշկանդել հրեղէն կուռ շղթաներով,
 Բանտարկել մթին աարարոսի մէջ,
 Որ տանջուի անյոյս, անայց, անդորով,
 Լուսոյ կարօտով յաւիտեան-անվերջ...

Ահեղ Ազգարէլ սրով շանթավառ,
 Հմբոստ Սադայէլ մարակով հուրհեր՝
 Խոյացան իրար դէմ դիւցազնաբար,
 Վեր-վայր շաղ տուին խոլ արհաւիրքներ...

Շաչում է հրեղէն սուրն Ազգարէլի,
 Փայլակ-կայծակով հրդեհում աշխարհ,
 Մոնչում, ճայթում մարակն ահալի,
 Փոթորկում, դղրդում տիեզերքն անծայր...

— Խի՛ր մարակն այդ վէս ըմբոստից,
 Գոչեց զայրազին մոայլ Ենովվան,
 Զէնքով է զատւում ծառան իր պետից,
 Անզէն էակը երկշոտ է, անձայն...

— Օ, ոչ, ոչ, երբէք, ասեց չար Ողին,
Ծառան թէկուղ մերկ, թէկուղ զինաթափ,
Բայց միտքն ազատ է, ազատ և հոգին,
Պետին ախոյան, յարատե սարսափ...

— Հեռացիր, երկինք, այս հեռ գըուժանից,
Որոտաց ցանկոտ Եհովվան կրկին.
Արտասորիր դրան Մեր լոյս խորանից,
Էլ թող չերեմի երբէք իմ աչքին...

...Փոխուեց ամեն ինչ... իջաւ ու խաւար,
Իօթնծալ երկինք կացաւ անջրպետ,
Մերժուեց ապստամբ մտքի ղեկավար,
Հրեղէն շարքերից ջնջուեցաւ անհետ...

Լաւ, գոռաց Զարը լի կատաղութեամբ,
Դէհ, որ այդպէս է, ոչ ինձ և ոչ Քեզ...
...Այսօր ինձ միայն տեսար ապստամբ,
Այսուհետ կտեսնես անհամար ինձ պէս...

Ասեց Սադայէլ, ջաբգեց իր մտրակ,
Գզզզեց հիւսած իւրաքանչիւր մարդ
— Գնացէք, գոչեց, լցրեցէք աշխարհ
Դարձէք երկրային բիւր-բիւր յաւերժիարս...

Դնւք անհուն դարեր՝ խմբովին հիւսած՝
Իմ հզօր ձեռքում զէնք էլք հլու—
Այսուհետ դարձեալ՝ ես ձեր գոռ աստւած՝
Ձեզնով եմ վրէժս յաւերժ լուծելու...
Նա՝ Բարի, ես՝ Զար, իրար միշտ ընդդէմ,
Նա՝ երկնից Արքայ, ես՝ անդնդի խոր,
Նորա ձեռքի գործ ձեզնով պիտ քանդեմ,
Մինչև ես աղմա լինեմ թագաւոր...

— Դէհ, մնաս բարեաւ, Վէհ Արարչապետ,
Եւ դնւք, երկնային եզէրք անսահման,
Ես ձեզնից մերժուած, ատելի, անպէտ,
Կերթամ քաշելու ու օր յաւիտեան....

Եւ դնւք, ոգիներ, գունդ-գունդ, հազար-բիւր,
Դնւք, Եհովվայի ծառաներ անբառ,
Միշտ գողդնջ, անգոյն, միշտ հեղահամբոյր,
Միշտ առանց մտքի, հողմի պէս թշուառ...

Դուք՝ ձեր անհամար գնդերով հրատ՝
Մեծ Եհովվայի լոկ կամքին գերի՝
Զեր վեհ բարձունքից իմ դէմ անընդհատ,
Պիտ վարէք կոյւ անվերջ գարերի...

Դուք՝ անթիւ հոյլ-բոյլ, հզօր, ահարկու,
Ես՝ անզօր, անդէն, ես՝ թոյլ, միայնակ,
Սակայն անվհատ ջանքերով հուժկու
Պիտի պայքարեմ, տանեմ յաղթանակ...

Իսկ դու, թքնա կաւ, դու, խօսնւն մկնիկ,
Որ այդքան յարգի տիրացար յանկարծ,
Դէպի քեզ կուղղեմ վրէժիս գոռ ալիքք
Երդ ու ծիծաղդ փոխելու սուզ, լնց...

Հոգուդ կծորեմ թունաւոր կասկածձ
«Կա՞յ, թե՞ չկայ»ով տոչորուես անանց.
Մտքիդ՝ խուզարկու գիտութեան մի կայծ,
Դէմդ՝ փոթորիկ, խաւար անթափանց...

Եւ քո աւիւնի թոիչք սրաթե
Միշտ այրուած, մոխիր՝ սիրոյ կրակում...
Եւ վաեմ իղձեր, բաղձանք յարատե
Խորտակուած, կաշկանդ՝ վշտի կապանքում...

Եւ փուշը՝ բուսած քո գրկից, ծոցից՝
Քեզ կխոցոտի մեղկ, հուր տենչանքով....
Եւ կտապակուես քո կրքից, բոցից,
Մինչև հող դառնաս դու բիւր տանջանքով...

Ո՞վ իմ յոյս խաբիսխ, զնւք, անման վարսեր,
Ահա ցրւում եմ ձեզ երամ-երամ.
Թուք, մարմնացէք, դարձէք քնքոյշ սեռ,
Փթթեցէք կեանքով բոյր-վարդ անթառամ...
Դուք՝ այդ արշալոյս՝ հագած բոսոր վստ,
Հեզիկ արեիկ՝ շողշող, բոցավառ.
Դուք՝ կոկոն գարուն, թելթելիկ, շարմաղ,
Եթեր թիթեռնիկ, խինդ, ծափ ու ծիծաղ:
Դուք՝ գոհար ցողի խալիլ քնքոյշ,
Նազիկ ղեփիւոփ պաշտչուկն անոյշ.
Աղբիւրի քըքիջ, մըմունջ քնօրօր,
Շողակ կոհակի կաքաւն ու շորոր.
Դուք՝ ծաղկանց բոյրը, երանգը փայլ-փայլ,
Ալախոս թոչնոց ոգեշունչ դայլայլ.
Դուք՝ հեռ յոյզերի փրփուր անրջանք.
Շոյուն երազներ, հմայիչ տենչանք:
Արբուն կենցաղի դիցական տաճար,
Հզօրների փառք, իմաստնոց հանճար:
Դուք՝ քար բնութեան բոցը կենսատու,
Կեանքի յաղթական սուսերը հատու....
Յաւերժ «որոնման» փարս մշտավառ,
Սիրակոծ սրտի անյաղթ ղեկավար...

Դուք՝ բնազդական եռման փոթորիկ,
Սին ցնորքների յարաշարժ ալիք,
Սրտերի շիրիմ, կեանքի գերեզման,
Մահաբեր կապանք մտքի սաւառման...

Եսամոլութեան դուք քուրմ մոլեռանդ,
Ստի, կեղծիքի աղբիւր յորդառատ...
Դուք՝ մահաղեղ թոյն՝ մեղրածոր ձուլած,
Անլոյս, անյոյս բանտ, վիշտ, արցունք ու լաց..

Խանդավառ «կիրի» յարավէժ հրաբուխ,
Զազիր մոլութեանց խնկարկու սև ծուխ:
«Գյուասիլո» դահիճ, հառատարիմ օձ,
«Անձնուեր» դաւաճան, «մոներիմ» խայթոց.
«Հիարանչ» անդունդ, «գեղանի» թակարդ.
«Աղունիկ» աղուէս, լարախաղաց սարդ,
«Զովսարար» վամպիր, ապուզնա միմոս,
«Լաշիան» գիշատիչ, «սոհլր» կոկորդիլոս...
Դուք՝ Սադայէլիս հլու հպատակ,
Խռլ ձգտումներիս հզօր օժանդակ,
Ո՞վ իմ բոց վրէժ, չնորհագեղ վարսեր,
Վեհին ախոյան, նախանձավառ սէր,
Թուէք, թափուեցէք, լցրեցէք աշխարհ,
Գոռող լոյսի դէմ մղելու պայքար:

Եւ այնուհետև ամենայն գիշեր
Փունջ-փունջ թափում է Սադայէլն անվերջ
Հուրծամ մտրակից զզզզած վարսեր—
Վարդ, շուշան հարսեր—մեր աշխարհի մէջ:

Ու սլանում են վարսերը կայծուն—
—Այն թռչող աստղեր—ճեղքելով եթեր,
Գալիս են աշխարհ, ժպտով սիրասուն
Գերում, կաշկանդում թէ ծառայ, թէ տէր...

Իսկ Սադայէլը՝ խրոխա, ահաւոր՝
Հուսոյ, բարութեան միշտ ներհակ արթուն՝
Մտրակը ձեռին՝ այն հեռ «գիսառով»
Շըջում է, պտտում, աշխարհն է դիտում...

Ազգեր են գնում, ազգեր են գալիս,
Միշտ նոր-նոր վարսեր՝ այլ ձև, այլ տարագ՝
Բիւր չարիքներով, ցաւով թունալից,
Աշխարհ են բերում կոհւ, աւիրած...

Եւ ինչքան հերոս քաջեր փառունակ՝
Այդ ցաւով հիւծուած՝ ընկնում են կետան.
Եւ քանի անհուն դարեր շարունակ
Արիւն է լալիս սիրտը մարդկութեան...

Ու նենդ, դիւական քըքիջով զազիր
Խնդում է, հրճում Զարը դաւաճան,
Թէ եհովվայի այս զրախտ երկիր
Շուտով, հա շուտով կստանայ վախճան...

Բայց եթէ Զար-Մութ տիրեց ամենուր,
Սադայէլը նենդ տարաւ յաղթանակ,
Զի՞ ճայթի, արդեօք, Ազգաբէլի սուր,
Որ ծնուի նոր կեանք և նոր ժամանակ...





ՀՀ Ազգային գրադարան



NL0375393

60898

Գիւն կ 10 կլզ.